



# Synfocity = 880

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

March 16, 2023

## ☐ Kohhran Hmeichhe Inkhawmpui Lian a ñiak ta

March 10-12, 2023 chhung khan Kohhran Hmeichhe Inkhawmpui Lian, vawi 50-na chu Darlawn GSA Playground-ah Pathian hruainain tuang taka neih a ni a, Pastor bial pahnih, Darlawn bial leh Darlawn Venghlun bialten an thleng a, Rorel Palai 894 an kal.

Inkhawmpui Lian thupui "Pathian nena len dun" tih chu, Speaker Rev. V.L. Luaia Hranleh, Executive Secretary i/c Kohhran Hmeichhia-in Pathianni chawhma leh chawhnuah te a sawi a ni. Chhinchhiah chinah, Inkhawmpui Lian Palai kal hi mi 10,077 an awm a, lirthei chi hrang hrang Bus 237, Sumo 349, Car 131, Pickup 106 hmangin inkhawmpui lian palaite an kal a ni.

Inkhawmpui rorel tlangpuite:

1. Synod Hospital Charity Fund atan vawi khat inkhawm thawhlawm lak khawm.
2. Social media-a mawi lo taka hmeichhia inlan ñhin lo tura inzirtir.
3. Ram pum huapin hmeichhiaten puan bih uar tura inzirtir.
4. Pathian biak inkhawm uar tura inzirtir.
5. Nula, tlangval leh tleirawlte enkawl na kawngah ram pum huapa inzirtir.
6. Ruihhlo leh mipat hmeichhiatna hman sualna laka tu leh fate an fihlim theih nana ram pum huapa hmalak.

Inchhiarna lam - Bial leh Kohhran mal zawmtu 216 an awm a, Kohhran leh Branch Church zat 976 an awm bawk. Chhungkua zawng zawng zat- 1,17,455 a ni a, Ni tin chhung inkhawm nei thei chhungkua 81,030(68.83%) awmin, Buhfaitham ñham ziah chhungkua 1,16,012 (98.54%) an awm bawk. Kohhran Hmeichhe member hi 1,92,490 an awm a ni.

Kristian chhungkaw dinhmun tehna pakhatna chu N. E. Khawdungsei leh Phainuam bial te an ni. Nitin chhung inkhawm nei thei hi 100% an ni a, chhungkua 100%-in buhfaitham an ñham bawk a ni.

Kum 2023 añanga 2025 chhunga Central Kohhran Hmeichhe Office Bearer-te chu:

- Chairman - Pi Zothanpari (SEC ruat)  
 Vice Chairman - Dr. Lalthansangi Fanai  
 General Secretary - Pi H. Lalfakmawii (SEC ruat)  
 Asst. Secretary - Pi Lalmuanzuali  
 Treasurer - Pi Zothansiami  
 Fin. Secretary - Pi R. Lalrempui

Anni bakah hian committee member 36 leh Ex-Officio 4 an awm.

## ☐ Kohhran Ni pawimawh-Chanchin Ñha thlen Ni

Mizorama Chanchin Ñha thlen Ni champha, March 15 chu Kohhran hrang hrangah hman niin special programme-a hman a ni a, Synod Office pawh khar a ni. Kohhran tam ber chu hemi ni pual hian zan lamah an inkhawm a ni.

Mizorama Chanchin Ñha thlen ni atana kan hman tak, March 15 hi Mizorama Chanchin Ñha rawn puang hmasa bertu Rev. William Williams-an Mizoram a rawn thlen ni champha a ni. Rev. William Williams-a hi Khasi rama Welsh missionary a ni a, Mizote chanchin a hriatin Mizote zinga Chanchin Ñha hril a duh hle a, Mizote zingah missionary ni tura a lo kal thei lo chungin Mizoram tlawh hram a tum a, Silchar DC remruatpuinain Sipaiho ruala lo kalin Mizoram a rawn lut a, a hmasa ber atan Mizote zingah Krista Chanchin Ñha a rawn puang ta a. Rev. William Williams-a'n Mizoram a rawn thlen ni hi Mizoram Presbyterian Kohhran chuan Mizorama Chanchin Ñha lo thlen ni atan a hmang ta a ni.

## ☐ Synod Mission Board

### ◆ Jharkhand Mission Field

March 9-12, 2023 chhung khan Pastor Bial Inkhawmpui an hmang a, inkhawmpui chhung hian Field chhung hmun hrang hrangah member thar mi 14 an awm belh.

◆ **Arunachal & Assam Mission Field (West)**

March 11, 2023 (Inrinni) khan Madhuripathar Bial, Milanpur Fellowship chu Preaching Station-ah hlan kai a ni a, hemi rual hian Biak In thar hawn a ni bawk. Hemi ni hian member thar mi pali an awm belh.

March 12, 2023 (Pathianni) khan Laimekuri Bial, Mouzachapori Biak In thar hawn a ni. Hemi ni vek hian member thar mi pathum an awm belh a, Kohhran dang aţangin mi pali kan Kohhranah an rawn inpe bawk.

◆ **Assam Mission Field**

March 10-12, 2023 chhung hian Pastor Bial hrang hrangah Bial Inkhawmpui hman a ni. Bial Inkhawmpui chhung hian member thar mi pakhat an neih belh bawk.

◆ **Home Mission North**

March 14, 2023 (Thawhlejni) khan Silsury Kohhranah member thar mi pahnih an awm.

◆ **Ramthar Campaign**

March 15, 2023 (Nilaini) zan khan Dawrpui Kohhranah hun hmangin Rev. R. Lalhminganga, Mission Board Secretary a kal.

March 18&19, 2023 hian Keifang Police Veng Kohhranah Ramthar Campaign nei turin Rev. R. Lalhminganga, Mission Board Secretary leh Synod Mission Choir te an kal ang.

□ **Synfo leh MSSU buatsaih Bible Spelling Bee intihsiak neih mek a ni**

Synod Information Dept. (Synfo) leh MSSU ţang kawpin Junior Dept. leh Intermediate dept. zirlaite tana Bible Spelling Bee a buatsaih chu March 16&17, 2023 hian a thawh khatna neih a ni.

Bible Spelling Bee-ah hian Aizawl khawpui chhunga Kohhran hrang hrang 61 aţangin zir lai 551 (Junior dept 267 leh Intermediate dept 284)-in hming an pe a ni. March 22&23, 2023 chhungin a thawh hnihna neih leh a ni ang a, March thla tawpah Final neih a ni ang.

□ **Synod Social Front**

◆ March 14, 2023 (Thawhlejni) chawhma khan Political Education Campaigner-te inhmukkhawm neih a ni a, he hunah hian chet lak dan tur hrang hrangte sawi ho a ni a, Political Education Campaigner-te hi an vaiin mi 40 an ni.

◆ March 14, 2023 (Thawhlejni) chawhnu dar 3 khan Ramngaw, nungcha leh Tuihna humhalh chungchanga hma lak dan tur sawi hoin an ţhu khawm a, he hunah hian Rev. V.L.Luaia Hranleh, Executive Secretary; Upa H. Lalhmingawia, Co-ordinator; Rev. Dr. Lawmsanga, Committee member, Upa C. Lalduhawma (Pollution Dept.) leh Er. Duhkima (PHED) te an tel.

◆ March 16, 2023 (Ningani) hian Corruption Do leh a kaihnawih chungchanga hmalak dan tur sawi ho a ni a, he hunah hian Upa H. Lalhmingawia, Co-ordinator; Rev. Lalrinmawia, committee member; Upa R. Zirrokunga, committee member; Upa Kailiana Ralte, committee member, Pu Lalsawta (IAS Rtd.) leh Pu Dinggheta (ACB) te an tel.

□ **Synod Trust**

March 15, 2023 (Nilaini) khan Darlawnah Kohhran Hmeichhe Inkhawmpui Lian neihna Pandal senghawi enpuin Pu Lalramenga Royte, J.E leh Pu Lalhriatrenga, J.E te an kal.

□ **MSSU**

◆ March 18, 2023 (Inrinni) hian Chanmari West Hmarveng Kohhranah Sunday School zirtirtu training neihpui turin Trainer-te, Upa B. Lalhmunliana, Upa Zohmangaiha leh Upa R. Vanlalhruaia te an kal ang a, zan inkhawmah 'Naupangte hnena Rawngbawlna' chungchang thuchah Upa B. Lalhmunliana a sawi ang.

◆ March 18, 2023 (Inrinni) hian Armed Veng Kohhranah Sunday School zirtirtu training neihpui turin Trainer-te, Upa K. Zoremsanga, Upa Lalsiammawia Pachuau leh T.Upa Lalţanpuia te an kal ang a, zan inkhawmah 'Naupangte hnena Rawngbawlna' chungchang thuchah Upa K. Zoremsangan a sawi ang.

□ **Susamachar Prasaran Programme :**

**March 19, 2022 (Pathianni) 5:30 pm. :**

**Group/Choir/Solo** : Synod Mission Choir - Mukti Dilaye Yesu Naam & Rabki (Medley)

**Group/Choir/Solo** : Champhai Bethel Pastor Bial - Jab Jab Dekho

**Testimony** : Nl. Mishra, Assam Mission Field

**Group/Choir/Solo** : P.C. Lianhmingthanga - Ye Dharti

**Group/Choir/Solo** : Chawnpui Kohhran - Thandi Howe

- ❑ **FM Zoawi - Aizawl & Lunglei : Hruaina Eng Radio Programme**  
**March 17, 2023 (Zirtawpni) @ 7:30 p.m. :**  
**Fak hla huang :** Ngurnuntluanga  
**Thusawi :** Rev. Lalrinmawia - Thlen chin aţanga hmasawn
- ❑ **Hruaina Eng TV Programme**  
**16.3.2023 (Ningani) 8:30 pm :** Zir bingna - Upa F. Lalthanmawia (Zai leh Rimawi)  
**17.3.2023 (Zirtawpni) 5:00 pm :** Naupang Pual  
**18.3.2023 (Inrinni) 5:30 pm :** Puitling SS Zirlai  
**19.3.2023 (Pathianni) 8:00 am :** Weekly Round up  
**5:30 pm :** Su Samachar  
**20.3.2023 (Thawhtanni) 8:30 pm :** Hruaina Eng Luang Chhuak  
**21.3.2023 (Thawhlejni) 8:30 pm :** Nilai Zan thupui zir ho - Bial Inkhawmpui leh  
 Presbytery Inkhawmpui  
**22.3.2023 (Nilaini) 8:30 pm :** Mission Field Bihchianna - Siliguri Mission Field
- ❑ **Moderator leh Executive Secretary-te Programme:**  
**Rev. Dr. C. Chawngmingliana : Moderator**  
 March 15-19, 2023 ECM Assembly, Siaha  
**Rev. C. Zoramawia : Senior Executive Secretary**  
 March 16-19, 2023 KJP Mihngi Synod  
 March 21, 2023 Synod Revival Speaker Intuaitharna  
 March 23, 2023 Synod Auditors meeting  
**Rev. V.L. Luaia Hranleh : Executive Secretary**  
 March 20, 2023 Hospital Consultative committee  
 March 21, 2023 Central Kohhran Hmeichhe committee  
 March 23, 2023 Synod Auditors meeting  
 March 23-26, 2023 Karbi Anglong Synod hmanpui  
**Rev. Dr. K. Lallawmzuala : Executive Secretary**  
 March 15-19, 2023 Ribhoi Synod  
 March 16, 2023 Jowai Kohhran committee te nen Partnership meeting  
 March 16-19, 2023 Ribhoi Synod hmanpui  
 March 23, 2023 Ramthar Hostel committee  
 March 25&26, 2023 Nursery Bial Pavalai Intawhkhawm hmanpui

**PATHIAN THU ZIR DUH TAN**

Presbyterian Bible School, Mission Veng-ah Certificate in Theology (C.Th) Admission hawn a ni a. Dil duhte tan a hnuai tarlan hi hriat tur a ni e.

Admission Form : Office hun chhungin Rs. 10/- a lei theih a ni  
 Dil hun chhung : April 24, 2023 (Thawhtanni) tlai dar 3:00 thleng  
 Dil thei chin : Class VII pass, kum 16 chin, Kohhran dan chhunga awm  
 Interview : April 28, 2023 (Zirtawpni) chawhma dar 10:00  
 Class tan hun : May 3, 2023 (Nilaini)  
 Zir hun chhung : May - August, 2023

Hrechiang duh tan Phone No. **8296035491/9862322112**-ah zawhfiah theih a ni.

*Sd/-*  
 Rev. Lalrinsanga  
 Principal  
 Presbyterian Bible School

## **RAWNGBAWLNA HNA RUAH DIL THEIH**

Mizoram Presbyterian Kohhran hnuaiyah a hnuaiyah tarlan rawngbawl hna hrang hrang hi a ruak a. Presbyterian Kohhran mi, kum 18-35 inkar, ni 19.4.2023-a kum 18 tling, kum 35 la pumhlum lo, zuk leh hmuama fihlim tan dil theih a ni. Dilna Form leh Tualchhung Kohhran Confidential Report Form hi Synod Office (Aizawl leh Lunglei) atangin ni 13.3.2023 (Thawhtanni) atangin lak chhuah theih a ni ang. Dilna hi Synod Service Board, Synod Office, Aizawl-ah thehluh tur a ni a, dilna form man Rs. 20/- a ni. Dilna Form-ah hriat tur pawimawh tarlan a ni ang.

### **1. SIKULPUI-A THAWK TUR**

Hna hming : **Teacher (Contract), Post - 4**  
 Thiamna : Trained graduate D.El.Ed of any recognised university with Mizoram Teacher Eligibility Test (MTET)  
 Hlawh : Synod hnuaiyah Trained Graduate contract te hlawh

### **2. SYNOD HOSPITAL, DURTLANG-A THAWK TUR**

Hna hming : **X-Ray technician (Contract) Post - 1**  
 Thiamna : Diploma in Medical Radiation technology from recognised institute  
 Hlawh : Synod hnuaiyah Lab. Technician contract te hlawh

### **3. JOHN WILLIAMS' HOSPITAL, LUNGLEI-A THAWK TUR**

Hna hming : **Medical Officer (Regular) Post - 1**  
 Thiamna : MBBS of any recognised university  
 Hlawh : Synod hnuaiyah Medical Officer te hlawh

### **4. SYNOD HOSPITAL, DURTLANG-A THAWK TUR**

Hna hming : **Medical Officer Post - 5 (Regular)**  
 Thiamna : MBBS of any recognised university  
 Hlawh : Synod hnuaiyah Medical Officer te hlawh

### **5. SYNOD OFFICE, AIZAWL-A THAWK TUR**

Hna hming : **Archivist (Contract) Post - 1**  
 Thiamna : Graduate of any recognised university preferably with theological degree recognised by Senate of Serampore College (University)  
 Hlawh : Synod hnuaiyah Graduate contract hlawh

### **6. MIZORAM CHRISTIAN COLLEGE-A THAWK TUR**

Hna hming : **Asst. Professor (Commerce) Post - 1 (Contract)**  
 Thiamna : UGC Norms 2018-in a sawi anga thiamna neite tan  
 Hlawh : Synod hnuaiyah Asst. Professor contract te hlawh

### **7. P.C. GIRLS' SCHOOL-A THAWK TUR**

Hna hming : **Teacher (Contract) Post - 1**  
 Thiamna : Trained graduate D.El.Ed of any recognised university with Mizoram Teacher Eligibility Test (MTET)  
 Hlawh : Synod hnuaiyah Trained Graduate contract te hlawh

**Dil theih hun chung** : Dt. 13.4.2023 (Nilaini) dar 2 p.m. thleng  
**Screening test/exam** : Dt. 15.4.2023 (Inrinni) Dar 10 a.m.  
**Interview** : Dt. 19.4.2023 (Nilaini) Dar 10.30 a.m.

Sd/-  
 Rev. C. Zoramawia  
 Secretary  
 Synod Service Board

**MSSU HRIATTIRNA**

India ram Presbyterian Kohhran Danpui (Constitution) ennawnah Kohhran Thurin sawm zinga pathum (Thurin 6,7 leh 8)-ah te tlema tihdanglam hret a awm hlawm a, Sacrament zirlai bu-ah a hlui angin awm mah se heng Thurinte hi a thar anga zir tur a ni.

Hetiang hian:

**THURIN VI**

Thlarau Thianghlim, nunna petu, Pa leh Fapa ata lo chhuak chuan mihringte chu chhandamna changtuah a siam a, an sualzia leh chungpikziate a hriat chiantîr a. Krista hriatna kawngah an rilru a tivâr a, an duhthlannate chawk thovin, Isua Krista chu an Lalpa leh Chhandamtua pawm tûra ngênin, pawm thei tûrin a pui a, anmahniah felna rah chi tinrêng a thawk chhuak thîn.

**THURIN VII**

Pathianin Kristaah chuan mi zawng zawng hnênah chhandamna famkim chu a thlâwnin a rawn hlân a, an sualte sim tûr leh Lal Isua Krista chu an Chhandamtu atâna ring tûr te, Amah entawna, Pathian duh ang taka inngaitlâwm leh thianghlima nung tûr tein thu a pe a. Krista chu ringa a thu zâwmtute chu chhandam an ni a, sual ngaihdamna te, thiam chantîrna te, Pathian fa nihna te, Thlarau Thianghlim chênpuina azâra tihthianghlimna te, chatuan ropuina te an chang a. Ringtute chuan tûn dam chhûng pawhin chhandam nih inhriat chianna lâwmawm tak chu an chang thei a. Thlarau Thianghlim chuan khawngaihna hna a thawhin, Thu te, Hlâ te, Sakramen te, Tawngtaina te hi hmanruaah a hmang deuh bîk thîn a ni.

**THURIN VIII**

Krista din chhuah Sakramen-te chu Baptisma leh Lalpa Zanriahte hi an ni. Baptisma chu Krista nêna kan inzawmna te, Thlarau Thianghlim zâra piantharna leh tihnunna chhinchhiahna leh nemnggehna a ni a, Lalpa hnêna kan inhlanna thiltih a ni bawk. Baptisma-ah chuan Pa leh Fapa leh Thlarau Thianghlim hminga sil fai entîr nân tui hman a ni a. An sualte sima, Krista chu an Chhandamtu atân an ring tih puangtute leh an fate chantîr tûr a ni. Lalpa Zanriahte chu Krista thihna hriat reng nâna chhang leh uain chan ho hi a ni a, ringtuten Krista thihnaa hlâwkna an chan chhinchhiahna leh nemnggehna a ni. Ama mite chuan Amah leh a inhlanna an pawmzia te, an hlâwkpuizia te, a rawngbâwl tûra an inpêk zêlna te, Amah an pâwlina leh mi dang nêna an inpâwlina te entîr nân, A lo kal leh hma loh chuan an chang ho thîn tûr a ni. Sakramen hlâwkna te chu Krista malsâwmna avâng leh rinnaa changtuah A Thlarauvin a thawh avânga lo awm a ni.

*Sd/-*

Rev. V.L.Luaia Hranleh  
Executive Secretary i/c MSSU